

Wie du die zeit des eingangs der
Sonnen inn Wider/vinden solt

1. In tag die
Stunden vnd
minuten /
zu find.
wann die sonne
in wider
kompt /
is sy by
tagi oder
nacht /

Das xxxvii. Capitel.



Der aufsteigend grad der Revolution also wie erst
oben gesagt/auff dem sechelen horizon in auf-
gang/vnd die Regel auf den ersten grad des Wi-
ders ligt/wie im nechsten Capitel gelernt/so zeige
dir regel pald heraussen im lynbo die stunden so von mittag
zu zelen seind/der gleich auch die minutē der stund so anderst
etlich weren. Aber der tag des monats ist zu disen vnsern zey-
ten alweg der 10 tag des merzen/an welchem alweg die sonne
in ersten grad des widers geet/aber in den fünfftigenn jaren
wirt sich solches am 9 tag des merzen begeben/welches du al-
weg auß dem anndern capitel dises Büchlin vinden magst/
sichstu das die sonne zumittag am 10 tag des merzen ein we-
nig hyn ein gegangen ist in wider/so pist gewiß das sollicher
eingang am 9 tag des merzen geschehen ist/so aber die sonne
noch inn Vischen were/so begibt sich sollicher eingang aller-
erst am 10 tag/aber die stund vindest wie jetzt gesagt ist im an-
fang dises capitels.

so Ino. Marti

De vniuersi-
tatis Nati-
uitatis

Hye merck etliche leeren von d' Revolution des aufsteigere-
den grads einer Natiuitet od' geburt/ Du solt die jarzal der
gepurt Christi/den tag des monats/die stund vnd minuten
der zeyt auff welche das kind geboren ist/mercken. Vnd diesel-
ben zal heyssem wir die wurz oder radicem der gepurt oder
Natiuitet/Auch soltu zur selben zeyt den waren grad vnd
minut. der sonnen wissenn/Vnd so duß dann als gemerck
hast/so zeel von mittag im lynbo die stund vnd minutē byß
du komst auff den minut do das kind geporn ist/vnd wo sich
dā die zal endet/da leg die regel hyn/vnd mach ein gemerck x

radix.